

fréttabréf **bssl**

Mars 2011 33. árgangur 3. tbl.



Hert eftirlit með merkingum gripa - Hvernig á að bregðast við?

Matvælastofnun kynnti fyrir áramótin hert eftirlit með því að ákvæði reglugerðar um merkingar búfjár væru virt. Þannig fylgist stofnunin nú með að rekstraraðilar sláturhúsa fari eftir ákvæðum reglugerðarinnar er banna þeim að taka til flutninga ómerkt búfé sem og setja afurðir af slíku fé á almennan markað. Í samræmi við ákvæði reglugerðarinnar mun ómerktu búfé sem kemur í sláturhús verða slátrað og takist ekki að rekja uppruna dýrsins innan 24 klst. verða afurðir sem dæmdar óhæfar til manneldis, þ.e. skrokkurinn fær ekki stimpil um heilbrigðisskoðun.

Fyrir bændur þýðir þetta að sláturleyfishöfum er óheimilt að taka til flutnings ómerkta gripir og sjálfsagt að setja viðkomandi bílstjóra ekki í þá stöðu að reyna að neyða hann til þess. Enn fremur getur þetta þýtt að afurðir gripa sem eru ómerktir, óskráðir eða rangt skráðir verða ekki settar á markað, þ.e. kjötinu verður hent án þess að greiðsla komi fyrir. Það þýðir einfaldlega tekjutap fyrir viðkomandi bónda.

Einu réttu viðbrögðin við þessu eru þau að fara eftir ákvæðum reglugerðar um merkingar búfjár sem eru í sjálfu sér einföld. Merkja ásetningsgripir innan tilskilins tíma (innan 30 daga frá fæðingu) og skrá þá í hjarðbók, annað hvort á til þess gerðum eyðublöðum eða á www.huppa.is. Sé um það að ræða að gripir séu seldir milli bónda, skal merkja viðkomandi grip/gripi á fæðingarbúi, skrá þá og síðan skrá flutning þeirra. Þar með er tryggt að viðkomandi gripur/gripir eru rétt skráðir og rétt staðsettir í hús ef svo má að orði komast og við á.


Nú er það svo að alltaf getur dottið eða tapast merki úr grip/gripum. Í slíkum tilvikum ber samkvæmt áður nefndri reglugerð að endurmerkja gripinn með sama númeri. Alloft er hins vegar ekki nægur tími til stefnu til þess að panta aftur sama númer. Í þeim tilvikum getur einmitt verið gott að eiga til svokölluð bráðabirgðamerki sem koma með áprentuðu bæjarnúmeri og hægt er að skrifa gripanúmerið á. Þessi merki er hægt að panta á sama hátt og hin eyrnamerkin.

Nánari upplýsingar má fá hjá Guðmundi Jóhannessyni (mundi@bssl.is) hjá Búnaðarsambandinu í síma 480 1800 eða með tölvupósti.

Eyðublöð til skráningar nautgripa í hjarðbók er að finna á www.bssl.is en auk þess er hægt að fá þau send. Fyrir þá sem vilja sinna skráningum sjálfir á www.huppa.is er hægt að fá úthlutað aðgangi hjá Bændasamtökum Íslands, sími 563 0300.

efni bréfsins:

Fréttir frá FKS..... bls.2
Bestu naut f. 2002 og 2003 verðlaunuð. bls. 3
Markaðsdagar verða 1. nóv. og 1. apr.. bls.3
Sæðisdropinn..... bls.4



www.bssl.is



AÐALFUNDUR BSSL

Aðalfundur Búnaðarsambands Suðurlands verður haldinn föstudaginn 15. apríl 2011 á Hótel Selfossi.

Dagskrá verður auglýst síðar.

Bændur athugið!

Fundur á Selfossi um repjurækt 16.mars kl.14.00

Opinn fundur félagsráðs Félags kúabænda á Suðurlandi verður haldinn í húsakynnum MS-Selfossi að Austurvegi 65 miðvikudaginn 16. mars n.k. kl 14.00. Efni fundarins er kynning á repjurækt til olíuvinnslu. Ólafur Eggertsson á Þorvaldseyri segir frá reynslu sinni af ræktun og vinnslu repju.

Félag kúabænda á Suðurlandi

Fréttir frá Félagi kúabænda á Suðurlandi

Á félagsráðsfundi FKS sem haldinn var 14. febrúar s.l. var Elín B. Sveinsdóttir í Egilsstaðakoti endurkjörin sem gjaldkeri félagsins. Arnheiður D. Einarsdóttir á Guðnastöðum, ritari og varaformaður, gaf ekki kost á sér til endurkjörs en í hennar stað Samúel U. Eyjólfsson í Bryðjuholti kjörin ritari og varaformaður félagsins.

Stjórn Félags kúabænda á Suðurlandi er því þannig skipuð:

Þórir Jónsson, Selalæk, 851 Hella, formaður. Sími 487 5204, netfang: thsb@simnet.is

Samúel U. Eyjólfsson, Bryðjuholti, varaformaður og ritari. Sími 486 6558, netfang: brydja@simnet.is

Elín B. Sveinsdóttir, Egilsstaðakoti, gjaldkeri. Sími 486 3344, netfang: egilsstadakot@emax.is

Félagsráð félagsins er þannig skipað:

KOSNIR 2011: Elín B. Sveinsdóttir, Egilsstaðakoti, Ásmundur Lárússon, Norðurgarði, Sigurður Þór Þórhalls-son, Önundarhorni, Valdimar Guðjónsson, Gaulverjabæ, Andrés Andrésson, Dalsseli, Ólafur Helgason, Hraunkoti, Ómar Helgason, Lambhaga, Borghildur Kristinsdóttir, Skarði og Guðný Sigurðardóttir, Suður-Hvoli.

Varamenn: Ágúst Sæmundsson, Bjólu, Inga Birna Baldursdóttir, Seli og Sigríður Jónsdóttir, Fossi.

KOSNIR 2010: Björn Harðarson, Holti, Bóel Anna Þórisdóttir, Móeiðarhvoli, Guðbjörg Jónsdóttir, Læk, Jóhann Nikulásson, Stóru-Hildisey 2, Jórunn Svavarsdóttir, Drumboddsstöðum, Katrín Birna Viðarsdóttir, Ásólfskála, Kjartan Magnússon, Fagurhlíð, Reynir Þór Jónsson, Hurðarbaki og Samúel U. Eyjólfsson, Bryðjuholti.

Varamenn: Guðni Þór Guðmundsson, Þúfu, Pétur Guðmundsson, Hvammi og Sævar Einarsson, Stíflu.

Á fundinum voru einnig kjörnir fulltrúar félagsins á aðalfundi BSSL og LK. Eftirtaldir hlutu kosningu:

Á aðalfund BSSL, aðalmenn: Þórir Jónsson, Selalæk, Elín B. Sveinsdóttir, Egilsstaðakoti, Valdimar Guðjónsson, Gaulverjabæ og Ólafur Helgason, Hraunkoti.

Varamenn: Samúel U. Eyjólfsson, Bryðjuholti, Katrín Birna Viðarsdóttir, Ásólfskála, Sigurður Þór Þórhalls-son, Önundarhorni og Jórunn Svavarsdóttir, Drumboddsstöðum.

Á aðalfund LK, aðalmenn: Þórir Jónsson, Selalæk, Samúel U. Eyjólfsson, Bryðjuholti, Elín B. Sveinsdóttir, Egilsstaðakoti, Katrín Birna Viðarsdóttir, Ásólfskála, Ólafur Helgason, Hraunkoti, Valdimar Guðjónsson, Gaulverjabæ, Sigurður Þór Þórhalls-son, Önundarhorni, Guðbjörg Jónsdóttir, Læk, Birkir A. Tómasson, Móeiðarhvoli, Bóel Anna Þórisdóttir, Móeiðarhvoli, Ásmundur Lárússon, Norðurgarði og Björn Harðarson, Holti.

Varamenn: Jórunn Svavarsdóttir, Drumboddsstöðum, Arnheiður D. Einarsdóttir, Guðnastöðum, Sævar Einarsson, Stíflu, Jóhann Nikulásson, St-Hildisey, Andrés Andrésson, Dalsseli, Borghildur Kristinsdóttir, Skarði, Ómar Helgason, Lambhaga, Sigríður Jónsdóttir, Fossi, Ágúst Sæmundsson, Bjólu, Pétur Guðmundsson, Hvammi, Ragnar Magnússon, Birtingaholti og Reynir Þór Jónsson, Hurðarbaki.

Efni fundarins og það sem framundan er

Fundurinn samþykkti eftirfarandi ályktun sem var send fulltrúum í Verðlagsnefnd.

"Fundur í félagsráði Félags kúabænda á Suðurlandi haldinn á Hvolsvelli 14.febrúar 2011 lýsir vonbrigðum með, að í niðurstöðu verðlagsnefndar búvöru skuli sú hækkunarþörf sem fram kemur í verðlagsgrundvelli kúabús ekki skila sér að fullu. Fundurinn ber þó fyllsta traust til fulltrúa bænda í nefndinni og hvetur þá til að fylgja fast eftir þeirri hækkunarþörf sem grundvöllurinn mælir hverju sinni. Þá telur fundurinn einnig afar mikilvægt við núverandi aðstæður að grannt sé fylgst með verðþróun helstu kostnaðarliða í rekstri kúabúa. Fundurinn telur nauðsynlegt að hækkunarþörfin sé metin að lágmarki ársfjórðungslega."

Þórir sagði frá samtali við Katrínu Andréddóttur héraðsdýralækni vegna merkinga sláturgripa og hvernig staðið er að eftirliti af hálfu Matvælastofnunar. Miklar umræður urðu um málið. Almennt var talin þörf á betra upplýsingaflæði frá Matvælastofnun og Bændasamtökum til að skýra betur þessi mál og gera þetta kerfi eins skilvirkt og kostur er.

Ábending kom fram um að opna fundi félagsráðs þannig að suma fundi þyrfti að auglýsa sem opna fundi fyrir kúabændur almennt, sérstaklega þegar um væri að ræða aðfengna fyrirlesara, vel var tekið undir það.

Stefnt er að kúasýningu á Hellu síðustu helgina í ágúst næstkomandi í samstarfi BSSL. Þá nefndi Þórir að hann hefði átt fund með forsvarsmönnum Jötunn Véla á Selfossi en í undirbúningi eru Sunnlenskir sveitadagar á vegum fyrirtækisins í vor laugardaginn 7.maí og rætt um aðkomu FKS og LK að þeirri samkomu.

Afleysingaþjónusta vegna eldgossins í Eyjafjallajökli, sem BÍ, BSSL ásamt FKS standa að, verður starfandi til loka apríl n.k. FKS tók að sér að vera á bakvakt ef afleysingarmaður forfallaðist.

Næsta fund er áætlað að halda um miðjan mars að degi til á Selfossi. Sá fundur færi að meginhluta í frekari umræðu um komandi aðalfundi LK og BSSL og vinnu í tillögugerð fyrir þá fundi. Ábendingar frá félagsmönnum um efni tillagna á aðalfundina eru vel þegnar.

Stjórn Félags kúabænda á Suðurlandi

Getur þú sparað áburð í vor?

Frjósöm og uppskerumikil mýratún í sveitum á láglandi (á framræstri mýrarjörð) ætti stórskaðalaust að mega færa niður í 80-100 kg N á hektara, í stað 100-120 kg/ha, með hliðsjón af reynslu og uppskeru fyrri ára.

Bestu naut fædd 2002 og 2003 verðlaunuð

Á nautgriparæktarfundum í Árhúsum á Helli voru veittar viðurkenningar fyrir bestu naut úr 2002 og 2003 árgöngum nauta. Af nautum fæddum 2002 hlaut Lykill 02003 viðurkenningu sem besta naut árgangsins. Lykill var fæddur á Hæli 2 í Gnúpverjahreppi undan Kaðli 94017 og Skrá 267 Listadóttur 86002. Magnús B. Jónsson, landsráðunautur í nautgriparækt, fór nokkrum orðum um frammistöðu Lykils og m.a. kom fram hjá honum að Lykill gefur mjög mjólkurlagnar með sérlega hátt próteinhlutfall í mjólk. Dætur hans hafa jafnframt mjög vel gerða og vel setta spena auk þess sem mjaltir og skap eru með því besta sem gerist. Lykill hlaut því nafnbótina besta naut 2002 árgangs nauta og veittu ræktendur hans, þau Ari Einarsson og Þórdís Bjarnadóttir, henni viðtöku.



Úr nautaárgangi 2003 hlaut Gyllir 03007 nafnbótina besta naut árgangsins. Gyllir var fæddur á Dalbæ 1 í Hrunamannahreppi, undan Seif 95001 og Flugu 254 Soldánsdóttur 95010. Gyllir var því sammæðra Glæði 02001 sem var eitt af albestu nautum 2002 árgangsins. Gyllir gefur mjög myndarlegar og mjólkurlagnar kýr með góða og sterklega júgurgerð. Þá eru mjaltir dætra hans frábærar og skap þeirra gott. Ræktendur Glæðis eru þau Arnfríður Jóhannsdóttir og Jón Viðar Finnsson og veitti Arnfríður viðurkenningunni móttöku.



Á meðfylgjandi myndum má sjá þau Ara Einarsson og Þórdísi Bjarnadóttur og svo Arnfríði Jóhannsdóttur ásamt Magnús B. Jónssyni þegar þau tóku við viðurkenningunum.

Getur þú sparað áburð í vor?

Áburðarkaup eru einhver stærsti kostnaðarliður í hefðbundnum búrekstri og það mun ekki breytast við áburðarkaup í vetur og vor. Trúlegt er að víða megi draga verulega úr fosfóraburðargjöf á eldri tún, a.m.k. tímabundið. Tún sem hafa árum og jafnvel áratugum saman fengið 15-25 kg/ha af fosfór ætti í mörgum tilfellum að vera óhætt að færa niður í 10-15 kg/ha.

Ný reglugerð um greiðslumarksviðskipti í mjólk

Markaðsdagar verða 1. apríl og 1. nóvember

Sjávarútvegs- og landbúnaðarráðuneytið hefur gefið út nýja reglugerð um viðskipti með greiðslumark í mjólk. Samkvæmt henni verða árlega haldnir tveir tilboðsmarkaðir með greiðslumark eins og eldri reglugerð kvað á um. Hins vegar eru dagsetningar færðar til þannig að markaðir verða 1. apríl og 1. nóvember. Þessi niðurstaða hlýtur að teljast mikil vonbrigði fyrir kúabændur en þeir hafa eindregið óskað eftir fjölgun markaðsdaga. Landssamband kúabænda hefur þegar lýst yfir gríðarlegum vonbrigðum með þetta atriði.

Í reglugerðinni er að finna nýtt ákvæði þess efnis að Matvælastofnun sé heimilt að staðfesta sölu á greiðslumarki frá einu lögbýli til annars lögbýlis innan sömu jarðatorfu, þ.e. tvíbýlis eða margbýlisjarðar, sbr. ákvæði landskiptalaga nr. 46/1941, enda sé salan til þess fallin að auðvelda kynslóðaskipti og að öðru leyti hagfelld.

Þeir bændur sem hyggja á greiðslumarksviðskipti á næsta markaði þurfa að hafa hraða hendur þar sem næsti tilboðsmarkaður verður haldinn þann 1. apríl n.k. eða eftir 30 daga. Frestur til að skila tilboðum til Matvælastofnunar rennur út þann 25. mars n.k.



SÆÐISDRÖPPINN 1/11

Framboð á nautkálfum á stöð hefur verið mjög gott hér á svæðinu síðustu vikur. Samt sem áður er engin ástæða til að slaka á og tilkynna um nautkálfa undan nautsmæðrum sem sæddar hafa verið með nautsfeðrum. Þá er einnig æskilegt að tilkynna um nautkálfa undan efnilegum fyrsta kálfs kvígum hafi þær verið sæddar með nautsföður. Nautsmæðraskrá var send í haust til þeirra sem skila mjólkurskýrslum á pappír en í Huppu má sjá nautsmæður í gripalista búsinu þar sem þær eru merktar með rauðu flaggi. Efnilegar kvígur eru merktar með grænu flaggi.

Nýtt kynbótamat

Kynbótamat verður keyrt núna í mars að loknu uppgjöri. Þá mun fást enn betra og öruggara mat á 2004 nautin auk þess sem nautsmæðraskráin verður uppfærð m.t.t. nýrra upplýsinga.

Nautsfeður

Nautsfeður til notkunar þessa mánuðina eru þeir; Ófeigur 02016, Ás 02048, Gyllir 03007, Tópas 03027, Stássi 04024, Stíll 04041 og Ári 04043.

Ungnaut

Útsending úr nautum fæddum 2009 er vel á veg komin. Dreifingu er lokið úr Jökli 09001, Gusti 09003, Silfra 09004, Merkúr 09009 og Síll 09028. Þá eru Kraki 09002, Stubbur 09017, Bolti 09021, Háls 09029 og Rauðgrani 09034 á síðustu metrunum. Dreifing á Jarli 09039, Jónsa 09041, Fossi 09042, Gæja 09047 og Stuldi 09048 er vel á veg komin. Byrjað er að dreifa sæði úr Rósant 09051 og innan tíðar hefst dreifing úr Rómi 09058, Frey 09063, Tungla 09066, Þræl 09068, Þuli 09069, Ferli 09070, Bryta 09074, Þyt 09078, Ask 09079 og Steng 09080. Næstu áfyllingar hjá frjótæknum eru 15. og 29. mars n.k.

Upplýsingar um þessi naut er að finna á www.nautaskra.net auk þess sem ungnautaspjöld fyrir naut á númerabilinu 09058-09080 verða send út á næstu dögum.

Guðmundur Jóhannesson

SUNNA



Enn betra bú með SUNNU

Rekstrargreining

Svót-greining

**Aðeins 20.000
kr á ári**

Rekstrarlegur samburður milli ára og milli búa

Heimsókn á bú/skrifstofu

Nánari upplýsingar veita:
Margrét Ingjaldsdóttir, 480 1809, margret@bssl.is
Runólfur Sigursveinsson, 480 1811, rs@bssl.is

Búnaðarsamband Suðurlands—www.bssl.is